

未41

7

喉證指南

288 丙



光緒丁亥秋仲新刊

喉證指南

嚴江萼溪山館藏板



序

人之一身百病皆可致危而咽喉之病尤危之危者蓋咽感地
氣為胃之系主通利水穀喉應天氣為肺之系主出入氣息人
身唯此二關為最要故患病亦唯此二關為最險世之業是科
者多學無師授往往株守一偏稱為秘授非自許扁鵲即人頌
華陀及其臨證則茫無主張試起扁鵲華陀而問之果無愧乎
又有咽喉發白一證古方所無諸書未載為害尤烈乾隆四十
年以前無此證即有亦罕自道光中盛延於江浙漸及荆湘黔
滇燕魯近來秦隴塞外所在皆有病者苦無良醫醫者苦無良
方膠時疫之說者專用寒涼則虛寒者殆矣執虛寒之說者專

用辛溫則時疫者危矣是皆以人之性命試彼無形之斧刃持此而欲救世得乎余不揣固陋爰集古今專科世業善本與治喉經驗良方良法悉心探索不當者去之未備者補之並折衷羣書詳加印證俾病情方藥概歸至當以為喉證指南醫家既可據病以校方病者亦可檢方以自療從此藥到病除永絕咽喉之患咸登益壽之堂豈不懿歟時光緒十三年歲次丁亥夏五嚴江寄湘漁父識於甘肅秦州官舍之知足知不足齋

喉證指南卷首

凡例

一喉科向少成書。即醫家著述中偶論及之。亦多略而不詳。故精者絕少。是編以程鍾齡、程瘦樵、鄭梅澗、陳雨春、張善吾、黃再生、黃陶普諸家之說為底本。並博採專科善本。經驗秘傳各方法。揣摩印證。彙集成編。俾一覽無遺。庶易於融會貫通。一入身十二經中。惟足太陽主表。別下項。餘皆內循咽喉。盡得以病之。而要不離乎肺與胃。蓋胃為水穀之海。肺為諸臟之華蓋。其氣皆直達咽喉。故咽喉病亦惟肺胃之火為獨盛。一醫士辨證如文家相題。相題之法。須先尋脈理。辨證之法。須

先分寒熱。是縮兵論一證。必先將寒熱二字。反覆推敲。再於寒熱中分表裏。分虛實。分氣血。分輕重。然後斟酌方藥。自無毫釐千里之謬。

一用藥如用兵。兵不精則賊不滅。藥不當則疾不瘳。喉病用藥。自內攻出為上策。取痰攻上為中策。沉為下策。熱重者令去內熱。用藥取病歸上。攔定風熱。使其在上不下。然後隨證用藥。此為善治。若其內熱未盛未結。即用清劑攻法。致病入胃膈。因傳於心肺。變生他證。是用藥者之咎也。

一醫士臨證。如戰士臨陣。固貴心細膽大。尤宜通權達變。若心粗氣浮。或以猛劑而治輕病。或以重病而投平劑。或遇胎產

婦人。幼孩衰老。或值大病甫痊。元氣未復。俱難任攻伐。如必拘泥成方成法。不顧本元。殺人易於反掌。

一喉證。用單紙印方傳送。雖屬善舉。究竟誤事。何也。其人或曾患熱證。服涼劑而愈。則所傳者必涼劑也。倘患寒證者信之。鮮能救矣。其人或曾患寒證。服溫劑而愈。則所傳者必溫劑也。倘患熱證者信之。鮮能救矣。

一前賢所定喉證方法。名言精論。煞費苦心。時醫以獨開生面。不襲為高。而予輯此編。凡有經驗神效者。或於序中。或於凡例。或於辨證。或於用藥。或於證治。或於醫案。或於方後。隨處萃集。正與時醫相反。覽斯編者。或以勦說見譏。余則甘受而

不辭也。

一咽喉起白如腐。俗稱白喉龍。亦寒暑不時。血氣不調所致。鄭梅澗醫語云。此證屬足少陰一經。熱邪伏其間。盜其肺金母氣。故喉間發白。陳雨春白喉龍證論云。此證乃足三陰受病。傳之於肺。似與他經無涉。其有兼及他經者。皆後之傳變也。然有時疫癘證。虛寒。蛾風轉變之別。治法亦迥不相侔。今時醫概以時疫目之。治以清涼之劑。謬矣。又或變時疫之說。概目為虛寒。治以溫補之劑。更謬矣。經云。赤屬熱。白屬寒。果如所云。則白喉祇有寒而無熱。若概指為疫。則白喉祇有熱而無寒。於理安在。蓋肺屬金。其色白。為諸臟之華蓋。喉為肺之

息道。凡風寒之入。內火之熏。肺未有不先受其傷者。肺既受傷。其本色必見。若不辨證脈。因其色白。即投以桂附炮薑。一遇火證。是謂抱薪救火。愈熾愈烈。而寒證可類推已。

一是編宜分看合看。分看一證有專治之方。合看各證有通用之方。如除瘟化毒。神功辟邪。神仙活命。諸方。是治時疫白喉專方。亦可兼治乳蛾。喉癰。喉腫。諸證。姑舉其一。以例其餘。庶臨證不致顧此失彼。

一木舌。重舌。舌衄。蓮花舌。牙癰。牙宣。牙衄。走馬牙疳。以及腮癰。繭脣等證。程氏醫學心悟。列之咽喉門中。殊不謂然。究其源。方書皆然。不自程氏始。茲仍採入。附於咽喉證治之後。每條

加一附字。以示區別。

一採方製藥。各以類從。首湯劑。次吹劑。次噲劑。次數劑。凡一切應用丹丸散錠。均須預為製備。收儲瓷餅封固。勿令洩氣。若候臨時始製。則緩不濟急。必致誤人性命。

一醫家治驗之醫案。即醫家閱歷之功夫。最廣識見。略採數則附後。以備參考。

一是編病證提綱用。分論病證形狀用。精義切要處用。俾閱者一目了然。

一自兵燹後。患喉證者甚多。是編甫出。各直省均無此板。遨遊遠方者。如能重刊廣布。或多帶送人。功德無邊無量。

喉證指南卷首目次

卷一

辨證類

辨證總括

辨經絡

辨初起形病

辨面色

辨脈法

辨寒熱

辨喉色熱寒

辨舌胎熱寒

辨脣鼻目
寒熱

辨小便熱寒

辨腫痛熱寒

辨風涎熱寒

辨飲食熱寒

辨氣血熱寒

辨頭痛熱寒

辨白喉熱寒

辨咽喉證壞

辨白喉證壞

卷二

用藥類

用藥總括

宣肺

熱證

寒證

熱盛陽虛

慎用表藥

熱證

過服涼藥

寒證

過服熱藥

解誤藥

旁取法

用藥次第

用藥口訣

藥不須忌

白喉四證

白喉兼證

白喉傳染

白喉誤死

服藥後忌

看證防護

附用鍼法

製鍼法

附煮鍼藥方

附鍼式圖

附用鍼穴圖

卷三

證治類

證治總括

喉痺

緊喉風

慢喉風

纏喉風

走馬喉風

纏舌喉風

啞痺喉風

弄舌喉風

上疳癰

鎖喉毒

喉癰

喉閉

喉疳

喉癰

乳蛾

喉瘤

喉疔

喉瘡

肉球

表裏咽痛

肺絕喉痺

經閉喉腫

梅核氣

時疫白喉

蛾風白喉

癆證白喉

虛寒白喉

舌證附

齒證附

唇證附

鼻證附

腮證附

耳證附

治驗醫案附

卷四

採方類

服劑七十一方

吹劑二十六方

敷劑十四方

採方總括

服劑

加味桔湯

紫地湯

升陽熱湯

連翹飲

清咽

利膈湯

敗毒散

參蘇飲

五積散

溫胃湯

附桂

理中湯

附瀉心湯

甘桔湯

雄黃解毒丸

四君子湯

四物湯

少陰

加減八味湯

六味

黃連解毒湯

牛黃

清心丸

鼠黏解毒湯

知藥

清露飲

潤燥膏

歸脾湯

廣筆鼠黏湯

加逍遙散

益氣清金湯

生脈散

八味丸

滋腎丸

秘授甘飲

參養榮湯

薑附湯

理中湯

四逆湯

半桂甘湯

獨參湯

十全大補湯

除瘟化毒湯

神辟邪散

神仙活命飲

龍虎二仙湯

清心滌肺湯

養正湯

銀花四君湯

養陰清肺湯

蟾酥丸

清熱解毒湯

清胃散

蘆薈消疳飲

清肝解毒湯

人參粥

五味消毒飲

神授生衛湯

雙解貴金丸

雙通聖散

瀉黃散

清涼甘露飲

涼膈散

奇授藿香丸

天羅散

補中益氣湯

辛夷清肺湯

黃芩湯

柴胡葛根湯

升陽散火湯

柴胡清肝湯

理陰煎附

鎮陰煎附

立馬開關飲附

吹回生丹

白降雪散

冰蓬散

搐鼻散

金鎖匙

紫雪散

燒鹽散

八珍珠散

礬精散

清涼散

捷妙散

赤礬散

消瘤散

冰片散

麝香散

瓜霜散

青鳳散

涼心散

真功丹

聖功丹

消蘆散

生肌散

血竭散

萬應丹

柏薑散

火仙方

桐油錢

辛烏散

摩風膏

太乙紫金丹

異功散

開關散

蒜泥拔毒散

人中白散

蘆薈散

離宮錠

黃連膏

礱砂散

辰砂定痛散

真君貼散

獨勝散

紫花散

神功丹

萬益丹

喉證指南卷一

嚴江寄湘漁父菟輯

辨證總括

凡辨證必先辨經絡。次辨病形。次辨色脈。次辨寒熱。次辨虛實。虛實既定。雖雜證百出。可一以貫之。如大方脈中有喉科一門。喉科中復有白喉一證。白喉中又分時疫、癘證、虛寒、蛾風轉變四證。業是科者。非株守喉風無非熱證、白喉無非時疫二語。即拘執白屬寒三字之說。膠於偏見。有識者所不許也。茲將咽喉各證條分縷晰。一寒一熱。舉以為對。而寒熱之中。又分輕重。氣血虛實。表裏。辨證最為詳悉。閱者宜留心詳審焉。

辨經絡

考人身十二經中。惟足太陽主表。別下項。餘皆內循咽喉。盡得以病之。而其中足太陰之脈上膈挾咽。連舌本。散舌下。足少陰之脈循喉嚨。挾舌本。足厥陰之脈循喉嚨。上入頰頰。下絡舌本。凡咽喉病。兩關及左尺脈多沉數有力。以此觀之。病屬足三陰經明矣。但咽為胃之系。喉為肺之系。肺胃之氣皆直透咽喉。其病雖屬足三陰。而其證總不離乎肺與胃。

辨初起病形

凡喉證初起。預先必作寒發熱。喉內或微痛。或不痛。甚則頭痛煩渴。大便秘結。小便赤濇。切勿認作傷寒證。